

ივანე ჯავახიშვილის სახელობის თბილისის სახელმწიფო უნივერსიტეტის ეკონომიკისა და ბიზნესის ფაკულტეტისათვის ინგლისური ენის (ბიზნეს ინგლისური) მასწავლებელთა შესარჩევი კომისიის მუშაობის წესი

1. ივანე ჯავახიშვილის სახელობის თბილისის სახელმწიფო უნივერსიტეტის (შემდგომში „უნივერსიტეტი“) ეკონომიკისა და ბიზნესის ფაკულტეტისათვის ინგლისური ენის (ბიზნეს ინგლისური) მასწავლებელთა შერჩევის მიზნით იქმნება კომისია, რომლის შემადგენლობა მტკიცდება ადმინისტრაციის ხელმძღვანელის აქტით.
2. კომისია განისაზღვრება 3 (სამი) წევრის შემადგენლობით: კომისიის მდივანი არ მონაწილეობს შეფასებაში.
3. კომისიის მუშაობას დამკვირვებლის სტატუსით ესწრება სამი პირი.
4. საკონკურსო კომისიის ყველა სხდომა არის დახურული.
5. საკონკურსო კომისიის წევრები ვალდებული არიან დაიცვან კონფიდენციალობა და არ გაამჟღავნონ ინფორმაცია შედეგების ოფიციალურ გამოქვეყნებამდე.
6. კომისიის ფუნქციებში შედის:
 - ა) შერჩევის პროცედურის ორგანიზება დადგენილი წესების შესაბამისად;
 - ბ) კანდიდატის მოწვევა გასაუბრებაზე;
 - გ) კანდიდატისათვის საცდელი გაკვეთილის მოწყობის მოთხოვნა;
 - დ) სათანადო საფუძვლის არსებობის შემთხვევაში, შერჩევიდან კანდიდატის დოკუმენტაციის მოხსნა;
 - ე) შერჩევის შედეგად რეკომენდებული კანდიდატურების წარდგენა უნივერსიტეტის ადმინისტრაციის ხელმძღვანელისათვის
7. შესარჩევი კომისიის თავმჯდომარეს ეკისრება:
 - ა) შესარჩევი კომისიის ხელმძღვანელობა, მისი მუშაობის ორგანიზება დადგენილი წესებისა და წინამდებარე რეგლამენტის საფუძველზე;
 - ბ) შესარჩევი კომისიის სხდომების დანიშვნა, მათი ჩატარების ადგილისა და დროის განსაზღვრა;
 - გ) სხდომებისათვის დოკუმენტაციისა და მასალების მომზადების კონტროლი;

დ) შესარჩევი კომისიის სხდომების წარმართვა

8. შესარჩევი კომისიის მდივანს ეკისრება:

ა) კომისიის წევრებისათვის სხდომების დროისა და ადგილის შეტყობინება;

ბ) კომისიის წევრების საჭირო მასალებითა და დოკუმენტაციით უზრუნველყოფა;

გ) კომისიის მუშაობის ოქმების წარმოება;

დ) შესარჩევი კომისიის თავმჯდომარის იმ დავალებების შესრულება, რომელიც შესარჩევი კომისიის მუშაობასთანაა დაკავშირებული

9. საკონკურსო კომისიის სხდომის ოქმებში უნდა დაფიქსირდეს:

ა) სხდომის თარიღი;

ბ) კომისიის წევრები და დამკვირვებლები;

გ) კენჭისყრის შედეგები;

დ) მიღებული გადაწყვეტილება;

10. შესარჩევი კომისია უფლებამოსილია თუ მას ესწრება კომისიის წევრების ნახევარი მაინც. ქვორუმის არარსებობის შემთხვევაში სხდომა ინიშნება სხვა დროს.

11. შესარჩევი კომისია გადაწყვეტილებას იღებს ღია კენჭისყრით, თანაბარი ხმების შემთხვევაში, უპირატესობა ენიჭება კომისიის თავმჯდომარის ხმას.

12. შესარჩევი კომისია გადაწყვეტილების მიღებისას ვალდებულია გაითვალისწინოს კონკურსანტის განათლება და პედაგოგიური გამოცდილება, ასევე კონკურსანტთა სხვა აქტივობები, მიღწევები, დამსახურება და რეპუტაცია.

13. შესარჩევი კომისია უფლებამოსილია კანდიდატს მოსთხოვოს საკონკურსო დოკუმენტაციაში მითითებული ინფორმაციის დამადასტურებელი დოკუმენტების წარმოდგენა კომისიის მიერ დადგენილ ვადებში.

14. კანდიდატის მიერ წარმოდგენილი დოკუმენტაციის გახსნა ხდება შესარჩევი კომისიის თავმჯდომარისა და წევრების თანდასწრებით.

15. შესარჩევი კომისია უფლებამოსილია შერჩევიდან მოხსნას კანდიდატი, თუ:

ა) წარმოდგენილი დოკუმენტაცია შეიცავს არასწორ ინფორმაციას;

ბ) დოკუმენტაცია გაყალბებულია;

გ) კონკურსანტმა კომისიის მიერ დადგენილ ვადაში არ/ვერ წარმოადგინა კომისიის მიერ მოთხოვნილი დოკუმენტები;

დ) არ გამოცხადდა ან უარი განაცხადა გასაუბრებასა და საცდელი გაკვეთილის ჩატარებაზე;

16. გასაუბრების ან საცდელი გაკვეთილის ჩატარების შემთხვევაში კომისია გაითვალისწინებს:

ა) ლოგიკური აზროვნების უნარს;

ბ) ქცევის, მეტყველების მანერას;

გ) აუდიტორიასთან კონტაქტს;

17. შერჩეულად ჩაითვლება კანდიდატი, რომელსაც ხმას მისცემს შესარჩევი კომისიის წევრთა უმრავლესობა. თუ შერჩეულ კანდიდატთა რაოდენობა აღემატება ვაკანტური ადგილების რაოდენობას, ტარდება განმეორებითი კენჭისყრა საბოლოო გამარჯვებულის გამოვლენამდე.

18. კანდიდატის მიერ ხმათა აუცილებელი რაოდენობის დაუგროვებლობის შემთხვევაში ადგილები რჩება ვაკანტური.

19. შესარჩევი კომისიის მიერ მიღებული გადაწყვეტილება, რეკომენდაციის სახით, წარედგინება თსუ ადმინისტრაციის ხელმძღვანელს.

20. შესარჩევი კომისიის სრული დოკუმენტაცია შერჩევის დასრულებისა და შედეგების ძალაში შესვლის შემდეგ შესანახად გადაეცემა თსუ კანცელარიას.

21. შესარჩევი კომისიის ლიკვიდაცია ხდება დაკისრებული ფუნქციების შესრულების შემდეგ.